



UNIVERSITÄTS-
BIBLIOTHEK
PADERBORN

**Amor Deiparæ Virginis Mariæ; Petri Antonii Spinelli
Neapol. Societ. Iesv**

Spinelli, Pietro Antonio

Coloniæ Agrippinæ, 1620

Exempla, seu miracula in ijs, qui Rosarium recitarunt, Deiparæ ope
peracta.

[urn:nbn:de:hbz:466:1-60948](https://nbn-resolving.org/urn:nbn:de:hbz:466:1-60948)

EXEMPLA, SEV MIRACVLA

in is, qui Rosarium recitarunt

Deipara ope per-
acta.

AD extremum exempla pauca de plu-
rimis afferenda sunt, quibus Rosarij
recitationem Deiparæ gratam esse pla-
nè intelligamus, tanta enim miracu-
lorum multitudine, atque præstantia
Deipara hanc Rosarij pietatem sibi cor-
di esse declaravit, vt magno animarum
emolumento vniuersum orbem sit per-
uagata, & innumerabiles vtriusque se-
xus, & omnium Ordinum tum religio-
si, tum sæculares sodalitati Rosarij no-
men dederiat.

*Exempla
ac mira-
cula Rosa-
rij à S. Do-
minico
promul-
gata.*

Sed vt ad particula veniamus, fan-
ctus Dominicus, teste Ferdinando Ca-
stiglio in Chron. Ord. Præd. part. I. lib. I.
cap. II. & 34. hac Rosarij precatone, quã
in Gallia Deiparæ monitu inchoauit, &
Romæ mirificè propagauit, magnam
hominum multitudinem ad Dei obse-
quium perduxit, multa miracula exper-
tus est Tolosæ in bello contra Albigen-
ses hæreticos; complures etiam insignes
peccatores profligatissimæ vitæ, è lcele-
rum cæro, ad pietatē traduxit in Gallia,

I.
*Ferdinan-
dus Ca-
stiglio.*

R 5 Romæ

Romæ, & Cæsaraugustæ; quorum conversiones copiosè persequitur idem Ferdinandus cap. 34. 35. & 43. Eiusdem etiam Rosarij pietatem S. Dominici consilio Blanca Gallia Regina sterilis complexa S. Ludouicum filium suscepit, quemadmodum cap. 36. dixi.

II.

*Rosarium
recitare
consuetus
Alanus
ab inimicorum
obfessione à
Deipara
liberatur*

*Idem à
naufragio
per Deiparam
in columis
mirifice
euadit.*

Eques quidam nomine Alanus à Valle Coloata in Britània prope urbem nomine Dirraminum S. Dominici consilio Deipara Rosarium quotidie flexis genibus recitabat: is sub Comite Montefortio contra Albigenes hæreticos in Tolosana regione militabat; cumque aliquando paucis militibus comitatus. ab ingenti hæreticorum multitudine circumdatus, absque spe euadendi vigeretur, visa est ab eo Deipara, centum quinquaginta lapides, quorum numerus salutationibus Angelicis Rosarij respondet, in hostes iacere, maxima cum eorum strage, sicque victor euasit. Idem quoque Alanus aliquando Ierosolymam nauigans, qua vehebatur naui, tempestatis vi efficta, cum in magno discrimine versaretur; confestim in ipso mari ceterum quinquaginta montes paruuli visi sunt, per quos incolumis in continentem euasit, in patriam postea reuersus, constructo ibi Cœnobio Ord. Prædicatorum, in eum

sa-

superstite S. Dominico est ingressus, factus deinde insignis concionator, per universam Galliam Rosarij pietatem magno cum auditorum fructu prædicavit: tandem ex hac vita in cælum migravit, sepultusque est in cœnobio Aurelianensi ad altare Deiparæ, cuius os, & manus recitandi Rosarij instrumenta post obitum veluti cristallus colucebant. Hæc ex Alberto Castellano Veneto in miraculis Rosarij, & ex Ferdinando Castiglia prima parte Chronic. S. Dominici lib. I. cap. 34.

Io Iuuenis quidam in Germania clarus genere, & si corporis castitatem seruaret, hæreditatem tamen suam in tesserarum ludo, ac tabernis omnem prodegerat: quare miserè vagabatur; is patruï consilio integro anno quotidie Deiparam quinquaginta salutationibus Angelicis venerari cœpit; cumq; in mundi vanitate remissius haberet, eiusdem patruï cû filio insequenti anno hoc Deiparæ obsequium duplicauit, in eoq; firmū bona faciendi propositum concepit: tertio tandem anno patruï monitu tertiam quotidie adiecit quinquagenam; euoluto anno patruï opere cum honesta spōsa matrimonium iniit; instructoq; nuptiali conuiuio cum adesse

R

cog-

*Eiusdem
manus ac
os post obitum
coluce vite.
Albertus
Castellanus
in miraculis
Rosarij.
Ferdinandus
Castiglia.*

III.

Rosarij preces à quodam oblatas in suis vestibus descriptas Deipara ostendit.

cognati, & sponsus, ac sponsa ad mēsam
 confedissent, ex inopinato surgit spon-
 sus, rogat patrum tantisper differri iu-
 beat fercula, quo ad solitas Deiparæ pre-
 ces persolueret, quas eo die alijs disten-
 tus negotijs omiserat. Itaque in cubi-
 culum se recipit; magna animi pietate
 consueta preces Deiparæ, cuius bene-
 ficia agnoscebat, obtulit: cumque su-
 premam salutationem tertiæ quinquā-
 genæ iam compleret, ecce Gloriosa Vir-
 go sole clatior eidem apparuit, ostendit-
 que iuueni in sua tunica tres togas ante-
 riorem vnam, duas verò à latere: Ecce,
 inquit, salutationes tuæ aureis literis
 scriptæ, quibus in tribus quinquagenis
 me sedulò honorasti, & quoniam vanus
 & vagus virginitatem coluisti, tertia die
 ad me sine vlla carnis corruptione per-
 uenies; ipse verò egressus horratur om-
 nes epulari: peracto prandio sponse, pa-
 truo, & amicis, quæ audierat à B. Virgi-
 ne, intimauit: febre igitur correptus ter-
 tia die obiit; sponsa verò in sancta virgi-
 nitate permansit. hæc Thomas Canti-
 pratensis lib. 2. apud cap. 29. part. 6. adij-
 cit; id suo tempore contigisse, seq; cer-
 ta relatione didicisse.

*Canti-
 pratensis.*

IV.

Idem Thomas Can-
 pratensis loco ci-
 tato parte 8. aliud
 exemplum memora-
 bile

bile sibi exploratum narrat his verbis: Vidi, & cognoui Iuuenem in Brabantia partibus generosum, qui quamuis esset saeculo praepeditus totaliter, beatæ tamē Virgini Mariæ deuotus, quotidie tres dictas quinquagenas in salutationibus exsoluebat. Infirmus autem ad extrema perductus est: cumque per horas diei plurimas mortuus iacuisset, renixit subito, & sorori moniali, qui iuxta sedebat, inclinauit, dicens: Soror, ecce redijt, citò aduocari facias Sacerdotem. Mirantibus omnibus Presbyter aduocatur, & in maxima cordis lætitia palam omnibus confitetur, dicens: Ad tribunal Christi iudicis raptus, cum in tribus maximè à dæmonibus accusarer, ferrique deberet sententia contra me, pijsissima Mater Christi rogauit filium, vt ad corpus reducerer, locum pœnitentiæ suscepturus. Nec mora factum est, vt rogauit: vnum de peccatis pro quo damnatus eram, erant decimæ, quas de bonis, & agris meis subtraxeram Sacerdoti. Secundum erat, quod cum Sodalibus meis pisces quorundam religiosorum furtiue subtraxeram. Tertium erat quod segetes, & fruges pauperum cum canibus venaticis vagabundus destruxeram. Hæc cum coram omnibus loquererur,

*Rosarij preces quoti-
die obiens
quidam
ad peccatorum confessionem
post obitū
renocatur*

quidam ex mansionarijs dixit: Et cur, inquit, pro damno isto extremo damnandus eras, cum nos illud vobis puro corde remiserimus? Et ille: Mihi quidem vestra remissio nequaquam suffecerat ad salutem, cum copiosior essem vobis iniurijs refundendis, quam vos mihi iniurijs remittendis. Et hoc dicens restituenda damna protinus assignavit: sicq; disponens rebus, & domui, in spe, & pace mirabili spiritum exhalavit. hęc Thomas Cantipratenfis.

*Canti-
pratensis.*

V.

*Dionysius
Carthu-
sianus.*

II Adijciam & aliud exemplum ex Dionysio Carthusiano sermone de Assumptione beatę Virginis iisdem plane verbis.

*Rosarij ter-
tiam quo
tidie partē
persolvens
monachus
Deipara
pallium
exornare
visus.*

Quidam Monachus Ordinis Cisterciensis intantum beatissimam Virginem venerabatur, quod quotidie ante refectionem dixit flexis genibus quinquagesies Ave Maria. Cumq; visitaſſet suos parētes recordatus est se de illo nō legiſſe salutationem Angelicā vicibus quinquaginta: repenteq; surgens ingressus est Cameram, cumq; salutationem Angelicam more solito legeret, apparuit ei Virgo piſſima mantello pulchro induta, in quo per totum scriptę erant aureis literis salutationes Angelicę, & cum Monachus ex humana fragilitate fuisset

per-

perterritus de huiusmodi visione, dixit ad eum dulcissima Virgo Maria; En omnes Angelicę salutationes, quas mihi dedisti, in isto mantello sunt scriptę. Deinde ostendit Virgo dignissima quädam partem mantelli retrorsum, & dixit: Postquam hæc pars fuerit Angelicis salutationibus adimpleta, introducam te in regnum dilectissimi filij mei, quod & postquam factum est ita. Ex quo patet quam acceptum sit Virgini sacraę, vt Angelica salutatione frequenter ac deuotè saluterur. Cum magna igitur attentione & affectione dicamus sæpissimè, Ave Maria. hæc Carthusianus.

Complura alia ob recitatum Rosarium à Deipara collata beneficia legi possunt in libello illo Rosarij Italico idioma edito ab Alberto Castellano Veneto Ordinis Prædicatorum, in quo ad singulas orationes Dominicas, & salutationes Angelicas peculiarem meditationem, & quæ illi respondet Imaginem, mysterium illud graphicè exprimentem excudendas curauit.

Albertus
Castellanus

(***)

CORO.